

DISSERTATIO INAUGURALIS MEDICA,
DE

LONGÆVITATE EX AERIS TEMPERIE,

Quam,

AUSPICE DEO PROPITIO,
Et Consensu atque Auctoritate Gratiſſæ Facultatis Medicæ
IN ALMA REGIA FRIDERICIANA,

P R Æ S I D E

N. D. MICHAELE ALBERTI,

ACR. MAJ. REG. BORUSS. AULICO ET CONSIST. MAGDEB. CONSILIARIO,
MED. ET PHILOS. NATUR. PROFESSORE PUBL. ORDIN. ACAD. NAT. CUR,
COLLEGA, SOCIET. REG. BORUSS. SCIENT. SODALI, ETC.

DECANO H. T. SPECTATISSIMO,

Domino Patrono, Præceptore ac Promotore suo omni honoris cultu prosequendo,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS
DOCTORALIBUS LEGITIME IMPETRANDIS,

HORIS LOCOQUE CONSVETIS,

ANNO MDCCXXVIII. D. X. AUGUST.

PUBLICAE AC PLACIDAE ERUDITORUM VENTILATIONI

SUBJICIET

R E S P O N D E N S

HEINRICUS JOSUA MOSENGEL,

REGIOMONTI BORUSSUS.

HALÆ MAGDEB. LITTERIS HENDELIANIS.

THE GREAT REVIVAL

IN THE TEMPLE

BY MICHAELE A. BURTT

THE GREAT REVIVAL IN THE TEMPLE
A HISTORY OF THE REVIVAL
IN THE TEMPLE
IN THE YEAR 1859

THE GREAT REVIVAL IN THE TEMPLE
A HISTORY OF THE REVIVAL
IN THE TEMPLE
IN THE YEAR 1859



THE GREAT REVIVAL IN THE TEMPLE
A HISTORY OF THE REVIVAL
IN THE TEMPLE
IN THE YEAR 1859

THE GREAT REVIVAL IN THE TEMPLE
A HISTORY OF THE REVIVAL
IN THE TEMPLE
IN THE YEAR 1859



PRÆLOQVIUM.



Ita hominis aut spiritua-
lis aut naturalis est; ad utram-
que conservandam, tuendam
& confirmandam congrua in-
serviunt media: hæc quæ na-
turalis audit, sub reliquo lon-
gissimo, ut videtur tractu, ta-
men perbrevis existit, hinc *Plinius Lib. 3. Ep. 7.* eloqui-
tur: *quid tam circumcissum, tam breve, quam hominis vi-
ta longissima: tam angustis terminis tanta multitudinis vi-
vacitas ipsa concluditur: quo spectat Platonis consensus
de Republ. lib. X. omne hoc tempus a pueritia ad se-
nectutis extremum exiguum quiddam est ad universum,
imo vero nihil. Et dum multiplicia adminicula, natu-
ralis vitæ durabilitatem promoventia, a benignissi-
mo Creatore, omniumque bonorum largitore sup-
peditata sunt, ita non est bonum, vivere, sed bene vivere,
bonum est, ut Seneca lib. 3. de benef. c. 31. dixit: bene vi-
vere vero multoties promissionem & successum lon-*

gæ vitæ complectitur ; hinc ille etiam bene vivit, qui mediis ad vitam necessariis, jufte & legitime utitur : inter alia adminicula, vitam naturalem concernentia, annotandus eft congruus ufus Aëris, de quo propterea *Hippocrates Lib. de Flatibus §. 6. text. 1.* dicit : *aër vitæ & morborum folus eft author*, quæ paradoxa assertio, tamen veritatem aliquam continet, licet aer neque author, genuino fenfu, neque folus author vitæ exiftat : paralleli ferme tenoris adfertio *Plutarchi 8. Sympos. qu. 8. reliqua omnia fervat, nutritque aer* : per-
 movit hæc confideratio, quæ aëris utilitatem, neceffitatem & falubritatem complectitur *Hippocratem*, quo peculiari libro *de aëribus, aquis & locis* tractaverit : Et quamvis variæ opiniones de utilitate aëris circumferantur, tamen felectus prudens institui & obfcuræ præfumptiones, atque affimilationes a perfpicuis & veris demonstrationibus follicite & judiciofe difcerni debent : quod enim aër corpori balsamum vitalem largiatur, jufte interpretatione & declaratione indiget : haud enim vita tali fupposito balsamo mumiali confervatur & fublevatur, ac quidem nonnulla cadavera variis balsamicis fubftantiis a præcoci corruptione præfervantur, hinc confervatio corporis exanimati variis aliis adminiculis nritur, quam animati, ubi ab uno ad alterum non absoluta & promifcua valet confequentia : deinde vera, folida & luculenta demonftratio balsami ejusmodi vivificantis in aëre valde difficilis erit, ni magis quisquam verbis ludere & impropriis notionibus philofophari mallet : & quamvis in nonnullis regionibus athmo-
 sphæ-

sphæra resinosis, oleosis, sulphureis, balsamicis & aromaticis effluviis imprægnata sit, tamen iterum difficilis erit demonstratio, quod hoc modo per inspirationem ejusmodi aëris & conspirantium subtilissimorum corpusculorum sanguinis massam valde commoventium, nimiusque rarefacientium, corpus a putredine arceri & per consequens vita prolongari queat: quamobrem *Helmontius in tr. blas humanum n. 14.* pro suo sensu & captu demonstrare voluit, quod aër neque efficiat, neque nutriat vitales sic dictos spiritus: & *n. 45.* asserit, quod aër sanguinem volatilem reddat, ubi illius necessitatem & utilitatem pro pulsu demonstrare vult: neque etiam illa ratio nobis firma & solida videtur, qua nonnulli aëri tantam vim motricem tribuunt, ut mediante hoc primo impulsu tota machina corporis humani in congruam activitatem & modificationem convertatur; haud enim sufficit tantum demonstrare, quod magna aëris copia cum cibo & potu corpus nostrum intret, ut *Garmannus de Mirac. mort. Lib. 2. tit. 3. §. 59.* ventilavit: neque sufficit dubia assertio, quod aër in pulmonibus sanguinem ingrediatur, quam tuentur, *Aristoteles hist. anim. Lib. 1. c. 16. 17. lib. 3. c. 3. de respir. c. 15. Avicenna Canon. lib. 1. fen. 1. doct. 5. c. 1. f. g. b. Galenus de Placit. Hipp. & Galen. Lib. 6. Deuslingius exerc. de respir. §. 144. Riolanus de circ. sangv. c. 3. Entius in Apolog. circ. sangv. p. 96. Kotzack de Hemorrh. Lib. 2. c. 5. Schwanmerd. de respir. c. 4. Thruston de respir. in animadv. Ortlob. diff. anat. phys. X. §. 10. Borellus de motu anim. p. 2. c. 8. prop. 116.* (licet huic sententiæ multi oblo-

quantur. *vid. Garmannus l. c. §. 55.*) quoniam adhuc demonstratio deficit, quod videlicet ab hac communicatione aëris vita & sanitas pendeant: neque solida & certa est assertio, quod aër propterea ad motus vitales necessarius sit, quia extra corpus humanum eximiae efficaciae aëris motus existit, ad potentes motus & stupendos effectus producendos; hæc enim argumentatio perquam confusa & infirma est, dum vix per bonam consequentiam logicam ab aëris vi atmospherica mox ad æqualem necessitatem & virtutem in œconomia vitali concludere possumus: neque ex illa opinione aëris usus ad vitam sanam & longam probari potest, quasi aër corpus humanum nutriat, sicut *Marcellus Donatus lib. 4. de med. hist. c. 12. & Quercetanus in dietet. c. 3.* tradiderunt, quod videlicet aër spiritus ad corpus humanum & motus vitales necessarios augeat & obfirmet; siquidem hæc sententia valde obscura & speculativa existit, dum primo demonstrandum esset, an spiritus tales necessarii sint, deinde an ad motus vitales requirantur, porro cujus conditionis illi esse debeant & quales ab aëre spirituosæ substantiæ requirantur, an sulphureæ, an sic dictæ nitrosæ, an acidæ, &c. quæ suppositiones difficillime, imo nunquam extricari & decidi possunt; quamobrem hanc suppositam aëris vim nutritivam *Casp. Rejesius Camp. Elys. qu. 58. n. 30. & seq.* refellit. Ast quoniam aër non modo ad vitam nati hominis absolute necessarius est, imo quoniam ex illius relatione & conciliatione ad corpus humanum & cum eodem multi salubres usus & effectus ad longam

gam

gam vitam demonstrari possunt, ob id præsentī In-
augurali Specimine cum DEO constituimus, ut
LONGÆVITATEM EX AERIS TEMPERIE
explicemus & confirmemus. Annuat nostro pro-
posito divina benedictio ut prosperos faciat suc-
cessus.

§. I.

AD vitam & sanitatem naturalem sublevandam
almus Creator *naturalia* etiam media & sub-
sidia patefecit, suaque *benedictione* instruxit,
quibus *congruo* ordine homo uti debet & pot-
est: similia adminicula ad Longævitatē *na-
turalem* acquirendam benignissimus Deus æque paravit
& suppeditavit, ita tamen ut sub illius primo & *principali*
Directorio vita & Longævitas subsistant: Ad hanc Longæ-
vitatem etiam *Aëris puri* justus usus merito referri debet:
Magna enim *Aëris* æstimatio est inter *Physicos* & *Medicos*,
qui *principem* locum inter naturales causas meretur, tam
ad varia phænomena in *Macrocosmo* explicanda, quam
ad diversos usus & effectus in *Microcosmo* demonstan-
dos: quin ipsi etiam *ſciti* circa *aëris* usum & applicatio-
nem iudicia sua exposuerunt videl. Bened. Carpxovius *disp.
de Jure circa aërem*, Stryckius *de Jure Principis aëreo*; qui
posterior c. 2. n. 2. dicit: *est quidem aër secundum all. præ-
ced. C. n. 17. text. omnium communis*; imo nihil communius
eo & magis proprium hominum necessitatibus: Gryphind.
de Insul. c. 11. n. 27. dum omnibus sufficit ad respirationem Ol-
denb. itin. *Jurid. T. 4. §. 1. conf. Bachov. & Vinn. Comm. in*
§. 1. J. de R. D. sine qua nemo vivere potest, Hippol. a Collib.
de incr. urb. cum add. natural. p. 27. seq. cujus modum &
rationes adducit Tholos. S. 1. Univ. L. 1. c. 5. item Havem. a-
mus. Sect. 1. c. 6. n. 15. de quibus tamen calculum philosophis
per-

permittere malo, quam mecum iis adjicere; inter Medicos Montagnana in tr. de Præservatione corporum debiliū in aëre subtili varia profert, quæ ad applicationem therapeutica pertinent, quemadmodum P. Zacchias in Qv. med. legalb. Lib. V. tit. 4. qv. 1. de boni ac mali aëris conditionibus & signis varia ad usus medicos spectantia profert: Neque tantis testimoniis opus est, dum multiplices vires aëris in corpus humanum inclarescunt, quæ a priori & posteriori satis evidentur demonstrari possunt: haud quidem hoc themate singulas aëris utilitates, aut noxas in relatione ad corpus humanum recensere & explicare volumus, illud tantum succincta deductione demonstrabimus, quod ad diuturniorem vitam & constantiorem ac firmiorem sanitatem certa constitutio aëris & justus illius usus pertineat: neque etiam obscuris & sub ambiguis assimilationibus perperam applicatis rationibus titulo nostro satisfacere cogitamus, siquidem incognitum esse vix potest, quantæ opiniones & traditiones passim de usu & utilitate aëris circumferantur; hinc inquiremus & ex rationis æque ac experientiæ suffragio demonstrabimus qualis aëris qualitas in genere corpori humano ad tuendam sanitatem & prolongandam vitam proficua existat: Et dum homo sub indifferenti & differenti aëris qualitate vitam suam transigit, ita ab eodem variis alterationibus obnoxius redditur: imo dum aër non modo extrinsecus nostrum corpus ambit, sed & varios accessus obtinet, quibus ad interiores fluidarum & solidarum partium regiones atque distributiones pervenire potest, ita tanto magis salutaria consilia circa justum aëris usum æstimanda sunt; quemadmodum etiam circa hunc usum varia ignorantia peccata committi solent, hinc sincera & solida parænesis quoad Aëris usum admodum fructuosa existit: interim admirationem utique meretur, quod fragile & valde corruptibile, molle, laxum, humidum, flexile nostrum corpus, tam diu sub
aëris

æris etiam tantum *externo* contactu *durare* possit, siquidem *firmiora* *metallica* subiecta *facile* ab *ære* in sua *mixtione*, *integritate* & *forma* alterantur: quidquod tanto *eminentiores* alterationes præcipue *destructoriæ* & *resolutoriæ* ab *intimiori* æris interagitazione expectandæ sunt, testimonio consideratu perquam digni illius processus *Fermentationis*; hinc non modo ferme unanimus eruditorum sensus & consensus est, quod ær ad *putredinem* cito & facile disponat; quicumque etiam *æris regimine* rite & perite uti sciunt, illi in *Oeconomicis*, *Politicis* & *Medicis* varia damna a diversis subiectis arcere & avertere possunt: Quoad *Longevitatis* notionem vero, qua hoc titulo utimur, non *strictam* aliquam annorum periodum, sed respectu subiectorum *certorum accommodatam* & *restrictam* intelligimus: siquidem nonnulli homines ob *certas* etiam *naturales causas* maturius & citius, vita privari possunt & solent, qui tamen *salutaribus* consiliis annuentes sub propitio *divino* moderamine paulo *diutius* suam vitam protrahunt.

§. II.

Æris disquisitiono *physico-medica*, in quantum inde *vita* & *sanitas* confirmari & a morbis *præservari*, aut vicissim *enervari* & ad morbos *preparari* potest, non immerito in rerum *non naturalium* classe primatum tenet, quoniam illius *magna-vis* est, siquidem homo *indefinente* commercio illius fruitur, deinde quotidianis ejus *mutationibus* obnoxius est; hinc varix *inseparabiles* qualitates cum *ære* concurrunt, quæ corpori aliquam alterationem minantur: & quamvis *materia* æris sua *subtilitate* facile partes *mixtas* ingrediatur, penetret & sub perenni sua *commotione* adhesionem & *commixtionem* non assumat, quin potius substantias *mixtas* *relaxet* & tandem plane *dissolvat*, tamen *motus* æris notatu *magis* dignus est, qui perinde *continuus* satisque *efficax* est, unde propterea

B

tam

tam in *animatis*, quam in *inanimatis* subjectis varii effectus & mutationes proveniunt: ob id in præfenti tractatione animadversionem nostram dirigimus, partim ad aëris *materialem* constitutionem, quatenus vel *subtilis*, vel *crassus* est, ad ejusdem *simplicitatem*, quatenus vel *purus*, vel aliis *diversis* materiis refertus & *inquinatus* est, partim ad ejus *activitatem*, quatenus aut plus, aut minus *elasticus*, aut *calidus* & *frigidus*, aut *moderatus*, aut *impetuosus* existit; quo pertinent relationes *ventorum* & *tempestatum* ad corpus humanum & reliquæ *connexæ* aëris qualitates, quæ cum corpore hominis conspirant; Et hæc disquisitione in *Medicina* admodum utilis & scitu necessaria est, ut videlicet inde *Historia morborum* confirmetur, siquidem laudabili studio *Hippocrates* passim annotavit, quomodo ægrotationes *variant*, secundum *anni tempora*, hinc *sect. 3. aph. 19.* dicit: *morbi omnes quidem in omnibus temporibus fiunt, nonnulli vero in quibusdam ipsorum magis & fiunt & exacerbantur*: propterea *aph. 18. 20. 21. 22. 23.* morbos secundum *anni tempora* variantes recenset & sic passim in multis locis talem observationem prosequitur repetitque: inde etiam in *veras morborum causas* inquirendi patet aditus: hinc inclarescunt causæ morborum *epidemiorum* ex parte *endemiorum*, qui videlicet certis regionibus & *climatibus* familiares, ut & *sporadicorum* ex qua solida & perspicua cognitione methodus *præservatoria* & *curatoria* multum lucis & adjumenti capessit: siquidem non raro contingit, ut *mutatione* aëris quidam homines *adversam* etiam valetudinem in *prosperam* & bonam immutent: quamvis relatio aëris ad diversa subiecta etiam discrepet: hinc *Zacchias l. c. n. 5.* dicit: *occurrit aliquando, quod alicujus loci aër sit quidem ex sui natura salubris & laudabilis, sed respectu alicujus personæ, quæ in eo residere cogitur, aër ille sit omnino insalubris & illaudabilis*: quod adsertum exemplo quodam addito confirmat

mat & illustrat: & ex hoc fundamento *jus Principis æreum* Stryckius l. c. explicat & defendit, quando dicit, n. 4. *hinc Princeps sedem suam ad locum salubriorem transferre amat: n. 11. huc spectat æris cœlique mutatio, principi ob illius pestilentiam & suæ salutis conservandæ causæ omnium maxime licita & suscipienda: quodsi enim æris intemperies justa causa translationis & mutationis sedis in Episcopo dicitur multo magis in Principe cujus vita multis est utilis. Principis autem vita tempore infecti æris facile periclitatur, quippe maxime interest, qualem spiremus ærem, qualesque hauriamus odores: hinc uti purus ær ac salubris plurimum ad bonam principis constitutionem facit, exemplo Caroli V. Imperatoris, qui Madriti paucos dies commoratus, morbo quartanæ, quo diu laboraverat, est liberatus, quod Madritum saluberrimo donatum sit ære: tales itaque animadversiones & decisiones optime Medici interpretantur & explicant, ut illis major fides habenda sit, cum illarum rationes veræ & fundatæ existant: quam ob rem multum interest in Sanitatis & Morborum directorio, ut in hac observatione medici justa & solida cognitione sint instructi.*

§. III.

Quod ad longiorem vitam Aeris temperies, benignitas, clementia, aut æquabilitas contribuat, non modo a priori ex relatione efficacis æris ad partes fluidas & solidas, ut & ad hominum individualem & personalem sensibilitatem, sed & a posteriori & contrario, aut opposito effectû, quænam reales utilitates a salubri & benigno ære & quænam detrimenta a minus benigno ære proveniunt, quo adhuc variorum doctorum suffragia pertinent, quæ præsentem sententiam suo calculo probant: talia testimonia passim occurrunt, e quibus pauca proferre lubet: Burnetius in Telluris Theoria Sacra Lib. 2. c. 3. agit de vera causa Longævitatis ante diluvianorum, de causis Senectutis in genere &

brevitatis hodiernæ & p. 99. confitetur: longævitatē ante diluvianorum & brevitatē nostratium non aliunde petendam esse existimo, quā a causis externis & ab actione aeris & cæli in corpus, quæ prout æqualis est & temperata, aut inæqualis & extrema, corporis statum magis aut minus, citius aut tardius immutat & labefaciat: hinc deduco & vitæ nostræ brevitatē ab inæquali anni formā & intemperata vi frigoris & caloris corpus alternatim impetentium, provenire sentio; provocat hic author ad cælum Paradisiacum & simul ad varia exempla, quibus hanc suam assertionem roborare nititur: & licet ipse varia proferat, quibus quidem haud absolute subscribimus, tamen in eo consentimus, quod aer temperatus & congruus ejus usus ad vitam & sanitatē confirmandam & prorogandam inserviat: huc etiam pertinet Zacuti Lusitani testimonium, qui in Medicorum Principum Historiis Lib. 6. histor. 17. qu. 8. p. 962. causas nonnullas longævitatē primævorum hominum commemorat & inter alia differit: quod in prima ætate, Deo disponente, valde benigni & salutares siderum aspectus cælique influxus fuerint: porro hic author loquitur: causa Longævitatē est bona, commoda, fausta felixque astrorum facies & aspectus ei imminens regioni, in qua sani vivunt mortales: & p. 963. pergit: hinc fit, ut ob faustos siderum aspectus regio sit præstantissima, in qua homines diutissime vivunt: profert etiam hic author climata salubria & exemplis prædictam adsertionem probat: hanc eandem sententiam suo calculo confirmat Zacchias l. c. pertinet huc testimonium Vidi Vidii de tuenda valetud. generatim Lib. 5. c. 6. p. 85. lit. F. quando profitetur: ad aërem maxime respicere oportet, cum simplicium partium, sanitas, quæ in ipsa temperatione consistit, servanda est: sub aëre comprehenditur regio, tempus anni præsens cæli status: requiritur autem ad opera exequenda tanquam instrumentum victui subje-

subjectum, sed & ipse aliquid requirit, non tamen per se, sed quatenus ad conservandam & mittandam temperationem nostri corporis conducit: seq. huc pertinet suffragium Ramazzini in annot. in Libr. Ludov. Cornelii de vita sobrie commodis p. n. 828. non solum - autem iis qui sanitati & longevitati student, necessariam esse a ciborum quantitate & qualitate temperantiam, sed a multis aliis cavendum esse, veluti a nimio exercitio, ab insalubrium locorum habitatione, a ventis & insolatione - - ubi enim aer purus est, homines longevi sunt, aer siquidem non solum in cute, sed intus nostra viscera perlustrat: quare Hipp. in Lib. de flatibus aerem authorem & dominum appellabat eorum, quae in nostris corporibus accidunt: ipse etiam Cornelius scripsit: cum hac dieta, ab aliis quibusdam nocumentis mihi cavi, nimirum a nimio calore, frigore, fatigatione, vigiliis & ab excessu in opere venereo: itemque ab habitatione noxii aeris, a ventis & solis ardore: hisce testimoniis addimus Paracelsum in introduct. ad chirurg. c. 13. Sennertum institut. med. Lib. 4. Part. 2. c. 1. de aere ad sanitatem tuendam commodo, Hildanum de valetudine tuenda. Grembsium in arbore integra & ruinosa hominis Lib. 3. c. 2. de Longevitate vite humana. n. 18. seq. Joepserum in Manuductione ad vitam longam Part. I. c. 6. p. 30.

§. IV.

Aëris efficacia in corpus humanum est vel communis & universalis, vel individualis & particularis: & secundum hanc differentiam æstimandus est usus aeris ad vitam longam promovendam: Ita in omnia corpora aer calidus, calefacientem & exsiccantem, frigidus, frigefacientem & incrassantem, siccus exarescentem, humidus relaxantem, nunc majorem, nunc minorem virtutem exserit: sic etiam aer

purus omnibus corporibus proficius est, impurus qualibet corpora inquinat, impura plus, pura minus: idem etiam sentiendum est de connexis aliis qualitatibus naturalibus: hinc aer calidus in omni corpore humano nunc plus, nunc minus pro partium fluidarum & solidarum varietate, humores intensius commovet, calorem auget, sanguinem & connexos humores rarefacit, serum subtile sulphureum orgasticum, acre, salsum accumulat, acrimoniam majorem in humoribus generat, subtiles partes dissipat, humidum dispergit, mucido-terreas substantias, non constanter nova humiditate diluantur, increffat, fibras flexiles exsiccat & necessaria sua humiditate depauperat, hincque sub ejusmodi increffatione efficit, ut impura substantiæ facilius & firmitus reliquis partibus obhærescant & dyscrasiam corpori concilient: quamobrem nimius æstus, aut frequens exæstuationo corporis, insufficiens vero temperatæ humiditatis restitutio humores reddit acres & impuros: particularis vero aeris efficacia occurrit perinde in discrepantibus corporibus & temperamentis humanis: quare in subjectis humidis & succulentis siccus & calidus aer, minus exarefacit, sed tolerabilior est, ac humidus, qui plus relaxat & humefacit: hinc Galenus Lib. 1. de tuenda sanitate eloquitur: purissimum & temperatissimum ventum & aerem in pulmones attrahere, omnibus juxta salutare est: nam impurus aer & ventus omni ætati adversatur: at vero quæ ex calore, frigore, siccitate humiditateque diversitas aeris contingit, non perinde se ad omnes homines habet, sed corporibus optimo temperamento dotatis, optime temperatus aer conducit: in quibus vero aliqua exsuperans qualitas dominium habet, iis utilissimus aer censetur, qui qualitati prædominanti pari gradu adversatur: deinde singularis relatio & efficacia aeris occurrit, in subjectis, quæ alias bona & vegeta natura prædita sunt, in quibus videlicet ordinariæ salutares excretiones prompte, rite & sufficienter succedunt,

dunt, unde quamvis ex aere *impuro* variae & multae heterogeneae & *inimicae* substantiae communicentur, tamen eadem *haud diu* in corpore tolerantur, sed *expedite & vigoroſe* ordinariis excretionibus, maxime *diaphoreticis & diureticis* expelluntur: inde est cur hominum in locis *impuris* versantium, *sudor & urina* valde *fœtidis* qualitatibus occurrant: uti *Garmannus de mirac. mort. lib. 2. tit. 8. §. 43.* *sudorem adversi odoris ex multa opii ingestione* commemorat; quales paralleli casus recenseri possent, si necessitas postularet: id vicissim ex *veritate facti* constat, quod homines, qui sub *suaveolentibus* effluviis & aromaticis *exhalationibus* degunt, *suaveolentem* sudorem & urinam habeant: quamobrem in tam *vegetis* naturis *impuritates* cum aere inspiratae & *communicatae* prompte *evacuantur*: inde etiam contingit, ut homines e *puriori* climate & aere, in *impuriorem* atmosphæram emigrantes, quando in hac *aliquandiu* commorantur, aliquando *febres acutas, scabiosam* defœdationem, *serpignes*, pruritus cutis &c. experiantur, quando antea ex *insueto* aere *impura* talia effluvia in *interiorem* corporis regionem excepta fuerant, quæ corpus adeo *inquinant*, ut tales morbi supervenerint, quando vero ulterioribus *impuritatibus* ex aere communicationibus adſueſcit, tunc natura easdem *majori* activitate & *citiori* resistantia, imo *copiosiori* quantitate evacuat, adeoque *tempestive* corpus ab iisdem liberat, ne *accumulatae & diutius* retentæ magis corpus inquinent & ad *majora* damna præparent & præcipitent: Ad talem *individua-* *lem* alterationem pertinet etiam *personalis* hominum *sensibilitas*, ob quam quidam nunc *citius & molestius* certam aeris *intemperiem*, impuritatem & turbulentiam *percipiunt* & secundum hanc ægram & *adversam* tolerantiam *citiores* *offensiones* & alterationes percipiunt: quemadmodum nonnullæ personæ *animo* ita *molles* teneræ & flexiles sunt, ut a *leviori* aeris mutatione, facile *adversam* valetu-

dinem

dinem percipiant, hinc si aliquando corpus suum aeri *li-*
keriori exponunt, mox capitis dolores, oculorum cala-
mitates, dentium passiones dolorificas, tussis, colicam
experiantur, de quibus dicunt, es dörfste solche Leute kein
unsanfft Windgen anwehen, sie fühlten es gleich, es wären
Wetterwendische Menschen, könten die Luft nicht vertragen,
weil sie immer sich inne hielten, oder in ihren Zimmern sich
aufhielten.

§. V.

Particularis, circumstantia & qualitas occurrit por-
ro in humorum *crassiori* mixtione, quæ ex *diata* paulo
crassiori provenit, in quam aer sua *elastica* activitate tam
promptam & validam efficaciam *haud* exferere potest, quo-
niam humores paulo *consistentiores* juxta physicum sti-
lum majorem *resistentiam*, aut *renisum* exercent; quam ob-
rem *communis* aeris conditio atque qualitas non tam facile
subjecta *vilioris* dignitatis & sortis afficit, quando vero
subtilia miasmata, contagiosa, maligna, cito putrefacientia
ejusmodi humoribus *insinuantur* & communicantur, tunc
illa non modo *firmius* in hisce hærent, sed & *difficilius*
ex iisdem separantur & subinde reliqua *inquilina* humo-
rum impuritate *suscitantur*, ut propterea tales homines
ob hanc etiam rationem facilius *succumbant*, ni *personale*
vicissim nature robur & *distincta* *vegeta* qualitas in *spon-
anea* morborum curatione tales *difficultates* superet, ægros-
que a periculo mortis liberet & pristinae integritati resti-
tuat: Contra vero humorum mixtio *laxior*, mollior &
mobilior ob hanc *specialem* qualitatem *facilius* aeris inju-
ria & impuritati subiacet: inde etiam evenit ut humores
subtiliores & principiis *sulphureis* *orgasticis* magis prædi-
ti ab aere *calido*, in quo *athereum* principium valde com-
motum est, *efficacius*, imo *impetuosius* afficiantur, ut in
iisdem *anxia*, *orgastica*, *oppletoria* & subinde valde su-
specta commotio oriatur, siquidem *atherea* substantia
jam

jam valde agitata, *massæ sanguinæ interfusa* & ab huius calore ulterius *impulsa* vehementiores commotiones, *exæstuationes* & efficaciores humorum *resolutiones* caufatur: Hisce *singularibus* & *specialibus* qualitatibus annumerari meretur *laxitas*, aut densitas partium corporis *solidarum*, præcipue *illarum* membranarum, quas *proximiori*, suo contactu *aër libere* afficit: quo *compactior* enim & *angustior* est corporis *porositas*, eo *minus* subito aer cum suis *inquinamentis* insultare potest, hinc corpora *firmiora* & *solidiora* paulo *diutius* in aere *durare*, ejusque *injuriis* resistere possunt, quam *laxiora* & *molliora*, quorum *porositates ampliores* & *patientiores* sunt, quæ *facilius* ingressum & communicationem *inquinamentorum* admittunt, licet dein per *poros capaciores* & *ampliores* iterum *insinuata heterogenea* recrementa *facilius* evacuari queant, quam per *strictiores* & *angustiores*: præterea *particularis* aeris relatio & effectus est, quando in *nonnullorum* *subjectorum humoribus* copiosæ *materiæ* fluctuant, quæ *facile elasticum* expansivum motum subeunt, quales e *vino*, *aromatibus* aliisque *spirituosis* substantiis *largius* generantur, tunc aer, in quo subtilior ejus, videlicet *æthereæ* portio in *majori* commotione & quidem *elastica* est, *majorem* etiam vim & *efficaciam* in *tales* humores, quam in *alios* habet; quemadmodum inde *tales* homines *intensius* & *molestius æstuant*, adversam *oppletionem* partium *solidarum* & *orgasum* *fluidarum* percipiunt, quibus propterea secundum *talem* qualitatem aeris *aliud* congruum regimen ordinandum est, si sanitatis firmitati & vitæ *durabilitati* prudens Medicus consulere vult: ita *alia relativa* & *particularis*, aut *personalis* efficacia occurrit *aëris impuri* in *impuro* corpore, quod ob *accumulationem* pravarum & inimicarum substantiarum *facilius*, quam *purum* corpus læditur: hinc contingit, ut spirante aëre *maligno*, *impura* corpora *citius* infi-

ciantur & supprimantur: quam ob rem *Jæpserus Part. 1. c. 6. p. 33. in manuact. ad vit. long.* asserit: *maligna aeris pestilentis tinctura, alia subiecta facilius, alia vero difficiliter inficit: qui enim perversa victus ratione usi, cacochymicis abundant humoribus; quique ob bilis abundantiam & sanguinis caliditatem facili inflammationi sunt obnoxii, hisce maligni aeris levior afflatus, facili negotio virus malignum & pestilens communicat; - - quod e contrario viscerum munditiam habentibus, puroque & moderato sanguini præditis non ita facile contingit.* Et talibus particularibus relationibus & efficacis aëris variae aliæ conjungi possent: sed suffecerit nonnullas illarum indicasse.

§. VI.

Temperies aëris, de qua affirmamus, quod ad Longævitatē contribuant, præsentī consideratione *relationem* & commercium habet ad homines *sanos* & cum iis, quoniam *valetudinariis* subiectis aut perfecte ægris personis *specialissimam* regimen, quoad aëris constitutionem ordinandum est: *Generice* itaque hominibus *salubris* est aër *mediocriter* calidus, qui propterea *temperatus* audit; etenim *calor* plurimis creaturis *viventibus* amicus & *proficuus* existit, quo præsentē actus *generationis, conservationis, nutritionis & restitutionis* facilius succedit, ex qua universali observatione quidam colligunt, quod a *condito* mundo mox *serenum vernum* tempus inchoaverit: quando itaque calor non *nimius*, neque *parcus* est, tunc homini vivo admodum *proficuus* existit, etenim sub hac temperie ab *intra* & *extra* corpus sufficienter *humectari* potest, hinc *præjudiciosa* siccitas & humiditas excluditur: ob id observatores ad *exempla* provocant, quod in *illis* locis homines *longævi* reddantur, ubi *temperatus* talis calor occurrit; hanc *temperiem* lædunt *sensibiles* alterationes a *frigido* aëre provenientes, præcipue *diu* durante aut *subito* alternante: in genere enim *subitaneæ contrari-*
arum

arum qualitatum aëris mutationes perniciosæ sunt; & quamvis interdum per *benignitatem* tempestatum & anni temporum aër sit temperatus, tamen *alia* aeris qualitas *superveniens* nunc majorem, nunc minorem *alterationem* corpori conciliat: neque tantum *temperies* se ad qualitatem *caloris* refert, sed etiam qualitatem *frigoris*, *humiditatis* & *siccitatis* concernit: quoniam *continuus* calor, licet cœteroquin *temperatus* sit, tamen ægre afficit corpus, unde *leniter* frigida aura per *intervalla* afflans, *excitatio*rem motum humorum mitigat & in *fibris* motricibus *firmitatem* quandam motus *tonici* *occasionalis* influendi ratione causatur: perinde *constanter* calidus aer, licet sub *temperie* comprehensus sit, nihilominus *successive* præjudiciose *exsiccantem* qualitatem complectitur & communicat, hincque humores *incrassat* & fibras *rigidiores* reddit, unde varia alia *connexa* vitæ & sanitati *inimica* alterationum schemata oriuntur: quando itaque nonnunquam *modice* *humidula* aura adspirat, tunc *fibræ* motrices interdum *leniter* relaxantur, ut *fluidæ* partes inter easdem efficacius progredi & *aqualiter* circuitum suum invenire queant: Ob id *justa* aeris temperies *illa* appellari meretur, quæ quoad *hasce* qualitates non modo ratione *gradus* moderata & *lenis*, sed & ratione *variationis* ordinata, *mitis*, *lenis*, *successiva*, neque *excessiva*, aut subitanea, aut impetuo-
sa existit: ea propter prædicti authores testimoniis & *exemplis* probant, quod in ejusmodi locis, ubi *talis* aeris *temperies* occurrit, homines *sani* & *longævi* reperiuntur: vicissim vero uberrima *exempla* testantur, quod *nimius* *caloris* & *frigoris* gradus, aut *multa* & frequens *humida* vel *sicca* aura varia corpori humano *damna* inferat, quæ specialius commemorare haud placet, quoniam in præsentī explicatione *brevitati* studemus: porro in hac disquisitione observanda est ratio *temperiei* in aere, ratione *consistentiæ*, siquidem aer *nimis subtilis* perinde

omnibus subjectis *haud* accommodatus & proficius existit, quoniam ad movendos & *expandendos* pulmones *ineptior* est, subinde *sanguinem fortius* motu *intestino* afficit, ejusque majorem *resolutionem* promoveret: eam ob causam aer *fervidior*, qui subinde *subtilior* est, varias *molestias* creat & ad multiplicia sanitati & vitæ *insensa* mutationum specimina contribuit: ob id *venti*, qui talem *subtilem* aerem *diutius* & frequentius athmosphæræ nostræ communicant, sanitatem & vitam *offendunt*, sicut ventus *plus* australis, minus occidentalis, aut orientalis conjunctus: cum vicissim in medio ferme constitutus australis & favonius aut orientalis *plus* vitæ *prolongandæ* inservit: neque tamen promiscue ex *Hippocratis* adfertis in nostris regionibus de *aere & ventis* judicandum est, quoniam ab *Insula Coos* ad *Germaniam* non valet consequentia: ita enim de australi vento *Senex Sect. 3. aphor. 5.* scribit: *auster auditum hebetat, caliginem visui obducit, caput gravat, membris tarditatem & languorem conciliat*, quia in *Græcia* hic ventus valde *calidus* & simul *humidus* est, adeoque ad *relaxandas* partes & *catarrhales* stagnationes, *secessiones* & *offensiones* disponit: quæ aura in *aliis distantioribus* locis non *simili* gradu in corpora hominum operatur. Et hæc considerationes quoad *temperiem* aeris annotandæ veniunt.

§. VII.

Ad vitam *longam* itaque *illa* aeris temperies & qualitas pertinet, ut athmosphæra, in qua homines vivunt *pura* i. e. a *salinis*, subtilibus *sulphureis*, *fuliginosis*, *oleosis*, *empyrematicis*, *putridis*, *foetidis*, *attenuatis* terrestribus, *metallicis* &c. effluviis libera, adeoque magis *serena*, luminosa, mediocriter levis & modico *afflatu venti* australis & orientalis præcipue prædita existat: haud enim necesse est, ut athmosphæra per multa milliaria balsamicis aromaticis effluviis imprægnata sit, quale quid in talibus regionibus contingit, ubi aromata talia crescunt: hinc *historiæ nauticæ* referunt, eo tempore, quo *Cinamomum*
maxi-

maxime in Ceilano floret & colligitur, insulam tantam odoris fragrantiam spargere, ut ea ad 100 milliaria intra altum mare non sine sanitatis debilitatæ instauratione venti deferentis beneficio percipiatur: quod idem in Moluccis contingit: in quibus ventus odorem caryophyllorum ad complura milliaria præsertim tranquillo tempore spargit: Athan. Kircherus Mund. Subterr. Lib. 4. Sect. 2. cap. 8. pag. 215. Mandelsloh Itinerar. Lib. 2. cap. 4. Rob. Boyle de nat. determ. effluv. cap. 4. Bohnius Circ. anatom. pag. 362. nimis porro subtilis aer, ut antea notavimus, haud salubris existit; hinc in altioribus montium cacuminibus & regionibus homines ob nimiam aeris subtilitatem persistere haud possunt, siquidem alias communiter in montibus altioribus aer subtilior existit vid. Augustinus de Genesi liter. l. 13. c. 2. Jonstonus Tautomatographia Class. 2. c. 2 p. 53. Lipstorpheus in Specimin. Philos. Cartes. Part. 1. p. 113. Garmannus de mirac. mortuor. Lib. 2. tit. 3. §. 1. Interea superior & paulo altior aeris regio purior communiter existit, quoniam venti illam facilius penetrare & purificare possunt, insuperque valde crassæ & simul impuræ substantiæ in inferiorem regionem decidunt: hinc salutarior locus est altior, cum declivior ab exhalationibus etiam terræ impurior existat: ob id loca montibus circumvallata salubria haud sunt, in quibus diutius aer detinetur, neque novæ sufficienti afflatu temperatur, aut purificatur; hinc effluviis impuris magis imprægnatur & vappidior, crassior & gravior redditur, siquidem diu in aliquo loco occlusus & detentus aer vel ipsi odori adversus obversatur, qui propterea vocatur, eine faule dunmlichte Luft: confirmat hanc veritatem suo rotundo & perspicuo testimonio P. Zacchias l. c. n. 11. ubi dicit: ex perflatione ventorum aer magis aut minus salubris efficitur; in universum autem aer a ventis perflatus & motu perpetuo agitatus salubrior censetur, non secus enim ac ipsa aqua: aer qui motu caret, crassior &

magis turbidus evadit, ac putris ac suffocans fit, ut is est, qui celsis undique montibus inclusus perflatum nullum a ventis recipere potest: atque eadem causa aer civitatum crassior fit, non solum, inquit Athenæus, quod in sese cogatur, ex eo quod nullo motu cieatur, sed ex eo etiam, quod multo tempore in umbra sit & multo magis quod plurimæ atque omnis generis exhalationes ex urbe in aerem ipsum eleventur: unde Avicenna ait: si fuerint venti multi sibi succedentes, quos non refranaverint montes, aer erit magis a putrefactione salvus: hinc homines qui in altiori situ terræ, aut domicilio vivunt, majori & firmitate sanitatis & vita pollent: quid quod multiplicia exempla confirmant, quod incolæ altiorum montosarum regionum ad longiorem vitam perveniunt; etenim in locis profundioribus impura effluvia, e terra æque ac aliunde provenientia, diutius morantur & copiosius accumuluntur, unde facilius incolis & accolis varia nocumenta inferunt: Quicunque itaque Longævitati subvenire volunt, præcipue declivia & humilia habitacula vivant & in altioribus contignationibus frequentius versentur, ut liberior accessus temperati aeris & venti, quotidie emergentes & exorientes impuritates dissipet & avehat; etenim non modo in locis altioribus impurus aer aufertur, sed & purus affertur, hinc liber, sed moderatus ac lenis transitus aeris per loca & domicilia multum utilitatis affert; quemadmodum prudentes & solliciti œconomi hanc qualitatem soli, loci, territorii, domicilii attentamente annotant: hinc etiam Palladius de re rustica Lib. 3. c. 3. asserit: aeris salubritatem declarant loca ab infimis vallibus libera, & nebularum motibus absoluta & habitatorum considerata corpuscula &c. quando itaque pro regionum & locorum ratione homines in locis putridis, paludosis, sylvestribus, nemorosis &c. vitam agere debent, tunc

tunc pro sanitatis adjumento & vitæ auxilio aerem in *sublimiori* ædium consuetarum loco feligant, insuperque domicilium *ordinarium* servant, per quod *liber* aeris transitus *quotidie* continuare, adeoque *impura* effluvia *dispellere* & avertere potest.

§. VIII.

Observanda porro est temperies aeris respectu *ventorum* conspirantium, hinc *Casspar Bravo in Resolutionibus & Consultationibus medicis Part. 1. disp. 3. Sect. 2. Resol. 4. p. 93.* quaestionem proponit & decidit: *utrum venti valeant nostram immutare temperiem suis diversis temperiebus*: haud vero *generale* de ventis iudicium formari potest, quoniam ventorum *qualitates & effectus* pro *varietate* locorum & regionum discrepant, id quod explicavit *Reinzer in Meteorologia diff. 6. qu. 4 5. p. 114. 117.* *Atban. Kircherus in Mundo subterr. Lib. 4. p. 214.* *Sturmius Phys. hypothet. Tom. 2. p. 1174.* quamobrem haud *genericè* cum hoc *Kirchero* iudicare possumus, quod *omnis* ventus, qui ex aeris commotione non fit, sed ex *halitibus & vaporibus, humanis* corporibus non tantum *nocivus*, sed & *exitialis* sit, quam sententiam *Sturmius l. c. phæn. 3. p. 1175.* refellit: in *nostris* itaque regionibus *salubres* sunt venti *Orientalis*, qui communiter *purus & serenus* est, nec non *Meridionalis*, qui *calidus* est & simul *tenuem & rarefactam humiditatem* in athmosphæram nostram affert: unde ex *oriente & meridie* spirantes venti *temperati & corpori ac sensui humano grati* sunt: *orientales* enim venti *ficci & frigidi* sunt, qui etiam si *solitarie & simpliciter* afflent, *exsiccant & refrigerant*: quia vero *puri* sunt, ita *inimicos & nocivos vapores* athmosphære *auferunt & dispellunt*: *temperat* vero vicissim hic *subsolanus* aut *orientalis* ventus *Notum*, sive *meridionalem*, qui *valde calidus & humidus* est, ne huius *æstus* *egre* afficiat nostrum corpus: quod si vero *Orientalis* ventus cum *collaterali* plaga videlicet *boreali* s. *septentrionali* convenerit, indeque
spira-

spiraverit, tunc *frigus* reddit *intensius* & corpori nostro *minus* gratum ac proficuum: neque *aquilo* s. septentrionalis *salubris* est, quia *nimia* frigiditate in nostris provinciis *plus* corpora offendit, *humores* videlicet *incrassat*, ad fibrarum *nimum* rigorem disponit, adeoque *excretiones* magis *impedit*, quam *promoveret*: unde testimonium & iudicium Hippocratis *Sect. 3. aph. 17. quotidiana tempestates aquilonia cogunt corpora & firmant, mobilia item & expeditiora, magisque colorata atque auditu valentiora reddunt*, ad nostras regiones applicari haud potest, siquidem hic ventus in *Insula Coos* talis est, quales nobis *orientalis* existit: neque *borealis* & *occidentalis* simul adspirans *salubris* dicendus, quia *frigidus* & *humidus* existit, quæ *mixtæ* qualitates non modo *Sensui* *adversæ* sunt, ut propterea *frigus humidum*, eine nasse oder feuchte Kälte, homines *agrius* perferant, sed & *fluidis* & *solidis* partibus magis *inensum* est, & *multiplices morbos* causatur: præcipue vero talis *mixtus* ventus ad graves alterationes *tonici* motus contribuit, unde *benigni* & *maligni catarrhi*, nec non *febres* discrepantis hujus conditionis, *rheumatismi*, *spasmi*, *alvi fluxus* &c. oriuntur: Zephyrus aut *occidentalis* non modo afflatu suo *impetuosus* est, sed & *athmosphæram* nostram valde *madefacit*, *nimiaque* sua *humiditate* perquam corpus humanum *offendit*; & quia simul *molestè* *frigidus* est, ita *varias* possidet qualitates, quæ *magis insalubres* evadunt: Si vero hic ventus cum *austrino* conveniat, tunc facile constat, quod *calida humiditas* citius & efficacius ad *corruptionem* disponat, eademque, si *diutius* in aliqua *athmosphæra* duraverit, morbos *Epidemios*, *malignos* excitet: quicumque itaque homines *majori sensibilitate* præditi, aeris mutationes *facile* & *agere* percipiunt, illi se *eiusmodi* etiam ventis *non liberius* & *longius* exponant: quid quod *selectus* etiam instituendus cum ventorum *relatione*, *applicatione* & *conciliatione*; nam corpora *sicca* *orien-*

orientalem & septentrionalem simplicius afflantem ventum non bene perferunt: corpora calida ægrius meridionalem tolerant, corpora humida minus bene occidentalem admittunt; Semi orientalis & meridionalis ut plurimum omnibus Germaniæ incolis conducit, qui etiam ordinaria & consueta sua domicilia & habitacula versus talem plagam seligere & observare debent: quodsi etiam venti oppositis qualitatibus subito mutaverint & alternaverint, facile tunc sanitatem lædunt, imo sæpe repentina vitæ pericula inferunt, etenim excedentes qualitates principales physicae, velut caloris, frigoris, humiditatis & siccitatis non modo naturæ molestæ & adversæ, sed & corpori perniciosæ sunt; hinc sub ejusmodi subitaneis mutationibus sanitatis suæ sollicitam & sedulam rationem habere debent homines, ut quovis modo temperiem observent: Exinde vero facile colligere licet, quod illa loca, in quibus etiam temperies aëris quoad ventos occurrit, utpote salubriora longævos & firma sanitate præditos incolas contineant.

§. IX.

Et quoniam aer præcipue pro Respiratione necessarius & utilis est, ita illius temperies in hoc negotio perquam commendanda & observanda venit: Corpora itaque teneriora, ob teneriorem pulmonum compagem aerem etiam subtiliorem perferunt, qui facile cellulosa illorum substantiam expandit & distendit, quamvis alias subtilior aer, ut supra notavimus difficilius in corpora solidà expansivam suam vim exserat, ni aliis activis qualitatibus sublevetur: hinc in opposito homines consistentioris corporis, cujus partes firmiores, compactiores & duriores existunt aerem crassiores, densiores & spissiores facilius perferunt: inde evenit ut ob talem aeris conditionem quidam homines in uno loco diutius perdurare queant, quam in alio, aut ut mutatio locorum a nonnullis

D

perfo.

personis propter hanc rationem suscipi debeat: quando itaque homines e climate *calidiori* in *frigidius* se convertunt, varias *pectoris* afflictiones subeunt, maxime quidem, quæ *robur* sic dictum pulmonum concernunt, quas vulgo nominant die Brust-Krankheiten, qui consistunt in *opple-tione humorosa* & infarctu cum dyspnoea conjuncto: Aer *valde elasticus* & *summopere* subtilis nulli subjecto ad *liberam* & facilem respirationem congruus est, unde ab eodem *anxie*, *difficiles* & operosæ inspirationes deduci possunt: testimonio *æstuosi* & *humiduli* aëris, quem vulgo schwüle bange Witterung appellant, quo spirante homines, præcipue *crassis* & *densis* aut *induratis* & exulceratis pulmonibus præditi, ægrius *respirationis* negotium perficiunt: Deinde homines, quorum pectus *planum*, *depressum* & *angustum* est, ob aerem *subtiliorem* & pro expandendis pulmonibus *nuda sua subtilitate* ineptiorem *difficiliorem* respirationem experiuntur, tanto magis si corpus suum aliis negotiis & *laboribus* exercent, sub quibus *copiosior* affluxus sanguinis *intra* pulmones provocatur: quam ob rem iterum tales homines pro hisce circumstantiis & qualitatibus convenientem aeris *temperiem* seligere debent, aut ad minimum in *incongrua* aeris qualitate per rationes *tempestatum* & annuarum mutationum *continentiæ* studere debent, ne *adverse* ejusmodi aeris qualitati *multum diuque* suum corpus submittant, indeque multiplicia incommoda, *pectus* imprimis afficientia, experiantur: Ægre porro ferunt pulmones aërem multis *metallicis*, præcipue *sulphureis* *crassis* æque ac *subtilibus*, *saturninis*, *arsenicalibus* & *mercurialibus* vaporibus & substantiis remixtum, cujus *frequens* accessus & inspiratio, multa fontica pectoris pathemata convocat, quæ satis sæpe *immedicabilia* evadunt: quam ob rem aut talem *inimicum* aerem homines *sensibilioris* & *tenerioris* constitutionis *plane* vitare & *purior*em athmosphæram seligere de-

debent, si ex *naturali* tali causa *longiorem* vitam adjuvare & promovere volunt, vel si circumstantiæ & vicissitudines rerum plenariam talem vitæ & regiminis *immutacionem* haud concedunt, tunc ad *venti purioris* afflatum se accommodare debent, juxta proverbium, sie müssen gleichsam den Mantel nach den Wind hengen, ut videlicet in talibus habitaculis converfentur, ubi aer *libere* vento *placido* transiens & transpirans, alias *inimicas* impuritates dissipat & *aufert*, ut *indies puriori* aera temperata athmosphæra quascunque metuendas *morbosas* afflictiones avertere & vitæ longiorem durationem promovere adjuvet: Ita etiam aer in habitaculis, *supra cellas* exstructis, non modo *reliquo* corpori, sed & *respirationi* perquam *insensus* est, dum videlicet *ex cellis* & asservatis *potulentis* vinosis & cerevisiariis *fermentantibus* multi halitus *humidi*, nec non *volatiles sulphurei* & *salini* adspirant & vario effectû pulmones *ledunt*; qualis aer dum *temperatus* haud existit, sanitati & vitæ minus proficius est: perinde aer multis *occlusis* effluviis ex *accensis carbonibus*, aut officiis *murariis*, velut *calce viva*, vel *tingtoria* & *pingtoria* arte provenientiibus, utpote *vernice* & *oleosis* similibus coloribus, imprægnatis, *respirationi* admodum *insensus* est, qui propterea magna sollicitudine vitandus est.

§. X.

Optima itaque illa ad *longam* vitam promovendam aeris est *temperies*, quæ in uno quoque subiecto *salutares excretiones* sublevat & faciliat: etenim hisce *rite* procedentibus, *connexæ* reliquæ functiones, ad œconomiam *vitaalem* spectantes, *simili æquali* ordine progrediuntur: talis temperies aeris illa est, quæ *æqualem* humorum *progressum* adjuvat & nocivas *fluidarum* partium *incrassationes* atque *inquinaciones* avertit, *solidarum* etiam partium perniciosam *stricturam*, aut *relaxationem* declinat, sed potius partes *porosas* in *sufficienti* & congrua *amplitudine* conservat, sub qua

salubres humorum circuitus & impuritatum excretiones rite procedunt; Seorsim quidem sensibile frigus, aut aer frigidus humidus excretiones valde impedit & minuit, nimis calidus vero, aut aestuosus vario modo illas turbat, vel diaphoreticam nimium augendo & impellendo, diureticam vero & alvinam minuendo, aut hanc posteriorem in inordinatum statum conjiciendo, dum sub calore bilis non modo copiosior generatur, sed & acrior redditur, quæ posthac largius intra intestina affluens, hæc sensibilius stimulat & affluxum humorum ad eadem convocat, subinde vero reliquam necessariam transpirationem cohibet, hinc hac ratione affectus dysenterici, vel ex nuda tali aeris intemperie originem ducere solent, quando non modo bilis acrior teneram intestinorum texturam offendit & excoriat, sed etiam ex massa sanguinis acrius serum ad locum semel affectum copiosius confluit & præsentem stimulum atque excoriationem auget: quid quod evenit, ut aer aestuosior cum frigidulo alternans, in subjectis etiam paululum sensibilibus gravem & periculosam alterationem causetur, quando sub aestuosa aeris qualitate motus humorum intenditur, serum acrius, subtilius & perniciosius redditur, proinde vero diaphoresis, aut rectius hydrosis sive aquosa sudatio augeatur, sub qua commotum hoc pravum serum largius evacuetur, aliæ vero necessariae & utiles humiditates ejiciuntur, quando vero vicissim sub tali processu frigidula aura afflat, quæ post prævium æstum tanto efficacius & citius corpus alterat & offendit, tunc subito strenua diaphoresis sufflamatur, serum orgastico intensiori motu qualificatum aut in ebullientem massam sanguinis, aut ad teneras & sensibiles partes membranosas & nerveas repellitur & revehitur, quod dein massæ sanguineæ citiorem putridam corruptionem minatur, aut partes illas sensibiles moleste stimulat, ut ad easdem impetuosæ congestiones, in inflammatorias commotiones abeuntes, ruant, vel ut easdem spasmi,
rhev.

rheumatismi &c. affligant, vel secessiones *acres* humorosæ transeant, unde pro *diversitate* affectarum partium, nunc *acres catarrhi, tussis ferine, bronchi, vomitus acres & biliosi*, aut *diarrhææ* tales oriuntur, quemadmodum singulis talibus affectibus facile *febriles* motus, aut *acuti typici*, aut *anomali & vagi* superveniunt & sub tali comitatu totum morbum *graviolem, contumaciorlem, magis intricatum & periculosum* reddunt: Secundum hanc æstimationem & relationem aeris temperies pro *discrepante sensibilitate* personali aliarumque *individualium* circumstantiarum seligi debet, prout præcipue in quolibet subiecto aut *facilius* aut *difficilius* evacuationes succedunt; nam secundum traditas tales *fundamentales* animadversiones medici *applicationem* ad *individua* formare, aut quilibet *sibi ipsi* circa aeris moderationem *medicus* esse debet & potest: ita etiam aer *crassus, nubilus, nebulosus, densus*, qualis præcipue in regionibus *paludosis*, aut *maritimis*, aut majoribus stagnis & fluminibus vicinis & adfitis, occurrere solet, ut plurimum *salutari*, libero & sufficienti progressui *evacuationum inimicus* est, in quibus locis propterea habitaculorum *concoctione* moderata temperies *salubris* aeris acquiritur: & quando in uno alterove subiecto ex *speciali & individuali* directione motuum *excretiones solenniores & copiosiores* e capite, aut e pectore succedunt, tunc tanto magis sollicitâ *curâ* talis commendata aeris temperies observanda est, quoniam aer posteriorum qualitatium, præcipue *frigidus* eximie tales *excretiones* impedit & turbat, dum per continuam *inspirationem* proxime hæc loca afficit & alterat; quibus *evacuationibus* eminentius & *sensibilius* perturbatis, valde *perversi*, contumaces & *corrupti* morbi supervenire solent.

§. XI.

Præter hætenus commendatam aeris *temperati* ordinationem & applicationem seorsim etiam notandum

est, quod *fortior & impetuosior transitus* aeris per diversa loca, domicilia, conclavia, dormitoria, requietoria, fornicata, fenestris e diametris positis instructa, &c. durch welche die Luft starck ziehen kan, multis hominibus, præcipue *infantibus, senibus, fæminis & teneris ac sensibilibus* personis *insensus* sit: etenim sub tali *potentius* transeunte *afflatu* non modo liberior & *tranquillior* aura, *ventosa* & efficacius spirans redditur, sed & cœteroquin *calidus* aut temperatus aer, *frigidior* evadit, ut *utraq;* tali qualitate corpus prædictorum subjectorum *fortius* afficiatur & offendatur; inde innotuere *vulgares*, sed *veræ*, locutiones *kleine Kinder könten sich bey solcher Luft leicht verfangen*: quare a tali aeris afflatu affectus *pectoris, catarrhi, rheumatismi* &c. facile ortum ducere possunt; hinc vitæ & sanitati studentes & consulentes iterum quoad hanc constitutionem & qualitatem justam & *congruam* temperiem ordinare debent: neque approbationem aut *commendationem* meretur ille multis usitatus mos, quo æstivo & æstuate præcipue aere, dum *diurnis* horis corpus strenuis *sudoribus* perfusum *hortis* & auræ hortulanæ submittitur & per multas *nocturnas* horas in iisdem servatur; quæ aura utpote *frigidior* & suaveolentior *sensui* quidem amœna & grata, multis vero, imprimis *sensibilibus* & *congestivis* commotionibus, excretionum turbis obnoxiiis, *flatulentia, colicæ, catarrhis* subjectis, *febriles* facile commotiones subeuntibus, *inimica* est, tanto magis quando vel ex ipsis *humectatis* hortis, vel fluminibus, rivis & stagnis alluentibus, aquæ ductibus, vel aliis hydraulicis machinis effluvia *humida nocturnis* talibus horis cum aere frigidiusculo conspirant, hinc facile *transpiratio* impeditur, *pulmones* alterantur indeq; Spasmi, rheumatismi, tussés, catarrhi, colicæ, diarrhœæ & alia varia fontica pathemata excitantur: quamobrem ratione *hujus* circumstantiæ & conditionis *vitæ* humanæ pro ratione *personarum* & individuum *justa* aeris *temperies* & applicatio ordinanda est: Talis

lis etiam *accurata* auræ blandæ & congruæ commendatio & ordinatio maxime in *Infantium* regimine necessaria est, qui quo *sensibiliores* sunt, eo facilius *alterari* possunt; quibus aer *frigidus* valde *insensus* est, qui vel cum *humiditate* vel *siccitate* conjunctus *variis* morbis viam pandit; præcipue vero facile a tali inimica & *inconvenienti* aeris qualitate infantes ominosos *pectoris* affectus, *tusses* pertinacissimas, spasticas, convulsivas, suffocatorias, catarrhum suffocativum, aurium & oculorum oppletiones humorosas, secessiones falsas acres, glandularum infarctus & indurationes, alvi fluxus suspectos, colica tormina &c. experiuntur; aut facile ulcerosis incommodis subjiuntur: deinde aer *valde æstuosus* infantili ætati æque *adversus* est, humores enim in infantibus *fluidi* & mobiles, partes vero *solidæ* molles & *laxæ* sunt, unde *intensior* fluidarum commotio, *proportionata* solidarum partium *moderatione* frui haud potest, quare partes *fibrosæ* magis *expanduntur*, distenduntur, *relaxantur*, enervantur, *sudorifica* evacuatio vero *ultra modum* augetur, in *humoribus* multifaria *inquinamenta* augentur, *lymphæ* subtilis cum *sero* tenui sulphureo *salso* mixta *intimius* intra cutis *superficiem* premitur, unde ab *alternante* aura *frigida* & conjuncto cutis *rigore* hæc lymphæ *minores* subit *stagnationes* superficiales, quæ *pustulas* miliares rubicundas constituunt, quas quidam *perperam* pro *inquinacione purpurata* habent, cum rectius attentæ fæminæ illas ab *æstuante* & valde commoto sanguine, juxta prædictam rationem derivare & *Hitz-Blässen* appellare soleant: proinde vero a tali *æstuoso* aere multa alia incommoda in tali *tenera* ætate provenire solent, velut *stagnationes* humorosæ in pectore, majores *stagnationes lymphæ* & *sanguinis* in *peripheria*, præcipue si aura *frigida* supervenit, unde enascuntur *inflammationes* quas *Schwähren* nuncupant, ut & *refractoriæ indurationes*

nes glandulosarum partium: Porro Senes etiam tempera-
tam requirunt aeris qualitatem & quidem *eandem*,
 quam *superius omnibus* subjectis utilem judicavimus, quæ
mediocriter calida & lenissime humida est: *Frigus* enim
senibus multis modis *nocivum* existit, siquidem ipsa *Senec-*
tus ætas frigida est: neque aer *inconstans* huic senectu-
 ti proficit; quamobrem Senes sollicite aeris *mitiores*
 injurias vitare & non nisi *constanti & tranquillæ auræ* fe-
 committere debent; de reliquo *facilius* aerem *calidio-*
rem, quam frigidiusculum perferre & cum vitæ ac sa-
 nitatis cominodo adhibere possunt: unde ab *æstate ex-*
eunte, usque in *medium* vernum tempus rectius habita-
 culis suis se concedant: *Puerperæ* accuratam etiam ae-
 ris *temperiem* utplurimum seligant, præcipue aut *plus*
 aut *mediocriter sensibiles & delicatis* regiminibus adsuætæ:
 hisce perinde *omne frigus* insensissimum est, *moderatus ca-*
lor vero proficit: Quicunque homines *annuis salutaribus*
 excretionibus adsuæti sunt, *bonam* aeris temperiem obser-
 vent; sunt vero tales *periodicæ* excretiones *bono regimi-*
ne sublevandæ, *Sudationes*, *hæmorrhoides*, *lenes alvi*
fluxus: & hisce semper *moderatus calor* proficit, *omne*
vero frigus nocet: quare *omnes* evacuationes, siue *quo-*
tidianæ, siue *menstruæ*, siue *periodicæ*, siue *exacte annuæ*
 magnas *difficultates* ab aere *frigido* suscipiunt: Hæc sunt,
 quæ brevi & enucleata commendatione de *Longævita-*
te ex aeris temperie proponere & commendare volui-
 mus: Specimen hoc est, quo niti possunt, quibus vo-
 lupe est huic meditationi *specialissima* applicatione &
 amplificatione inhærendi: Sit divina Clementia a no-
 bis pro præstito auxilio immodicus & humillimis conce-
 lebrata laudibus, quæ ad devotissima nostra vota etiam
 efficiat, ut hosce æque ac omnes reliquos conatus no-
 stros salubris ac secundus comitetur & tueatur

F I N I S.